

LXXIII.

Eas. die. an.
noque cod.

Confirmantur Statuta nonnulla super distributione Officiorum Provinciae Terrae Laboris Ordinis Fratrum S. Francisci de Observantia Reformatorem nuncupatorum.

CLEMENS PAPA XII.

Ad futuram rei memoriam.

Exordium.

Pastoralis officii, quod auctore Deo gerimus, cura animum nostrum sollicitat, ad ea peculiari paternae charitatis studio statuenda, per quae Christi fidelium, divinis obsequiis sub suavi Religionis iugo mancipatorum, quieti & felici regimini opportunis rationibus salubriter consulatur.

§. 1. Exponi siquidem Nobis nuper fecit dilectus filius Josephus Maria ab Eborā Commissarius Generalis Ordinis Fratrum Minorum S. Francisci de Observantia nuncupat. quod ad sedandas graves molestias, imo scandalosas controversias in Provincia Fratrum Reformatorem dicti Ordinis Terrae Laboris in Regno Neapolis inter Fratres Neapolitanos, adhaerentes, & exteros, super distributione officiorum, quae in tres partes ab aliquibus, & ab aliis in duas partes dividi praetenduntur, vigentes, post maturam considerationem, auditamque super praemissis Fratrum graviorum & peritorum ejusdem Reformationis sententiam, ad occurrendum ejusmodi inordinationibus expedire existimat: Primò, ut Natio Neapolitana deinceps non solum Civitatem Neapolitanam, sed totam illius Dioecesim complectatur; & semel Provincialatum, incipiendo a proximo futuro Capitulo Provinciali, ac semper duo vota in Definitorio habeat: Secundò, quod omnes alii Religiosi extra dictam Dioecesim, suppresso nomine adhaerentium, unum corpus exteriorum constituant; & per duas vices continuas Provincialatum hujusmodi, & quatuor vota sive suffragia in Definitorio, attento quod duas ex tribus partibus ejusdem Provinciae componunt, habere debeant: Tertio, ut Custodis officium etiam per turnum bis ad exteros, & semel ad Neapolitanos pertineat; ex sexdecim vero Conventibus, quibus dicta Provincia de praesenti constat, decem praedictis exteris, quinque Neapolitanis, & reliquis dispositioni Ministri Provincialis pro tempore existentis attribuantur, ita tamen, ut Conventus Neapolitani pariter per suum turnum respective provideantur.

§. 2. Quare dictus Josephus Maria Commissarius Generalis Nobis humiliter supplicari fecit, ut in praemissis opportune providere, & ut infra, indulgere de benignitate Apostolica dignaremur. Nos igitur ipsius Josephi Mariae Commissarii Generalis votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure vel ab homine quavis occasione vel causa latis,

si quibus quomodolibet innodatus existit, ad effectum praesentium dumtaxat consequendum harum serie absolventes, & absolutum fore censentes, hujusmodi supplicationibus inclinati, ac etiam motu proprio, & ex certa scientia, & matura deliberatione Nostris, deque Apostolica potestatis plenitudine, ut in posterum supranarrata dispositio fideliter observetur, servata tamen semper canonica electionis forma, tenore praesentium statuimus & ordinamus; Mandantes propterea, & distincte praecipientes Superiori Generali pro tempore existenti Ordinis hujusmodi, ut praedictam dispositionem executioni demandet, & ab iis, ad quos spectat, & pro tempore spectabit, observari faciat, sub excommunicationis, privationis officiorum, ac vocis activae & passivae, ac perpetuae inhabilitatis, necnon nullitatis omnium actuum Capitularium, quos contra praedictam dispositionem fieri contigerit, adversus contrafacientes inflexibilis poenis; Ac decernentes, ipsas praesentes literas semper firmas, validas, & efficaces existere & fore, suisque plenariis & integros effectus sortiri & obtinere; ac illis, ad quos spectat, & pro tempore spectabit, in omnibus & per omnia plenissime suffragari; sicque in praemissis per quoscumque Judices ordinarios & delegatos, etiam Causarum Palatii Apostolici Auditores, judicari & definiti debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 3. Non obstantibus praemissis, ac Constitutionibus & Ordinationibus Apostolicis; necnon Provinciae & Ordinis praedictorum, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium praemissorum quomodolibet concessis, confirmatis, & innovatis. Quibus omnibus & singulis, illorum tenores praesentibus pro plene & sufficienter expressis, ac ad verbum insertis habentes, illis aliis in suo robore permanentibus, ad praemissorum effectum, hac vice dumtaxat specialiter & expresse derogamus, ceterisque contrariis quibuscumque.

Datum Romae apud Sanctam Mariam Majorem sub Annulo Piscatoris die 10. Septembris 1732, Pontificatus Nostris Anno Tertio.

F. Card. Oliverius.

Confirmantur.

Clausula.

LXXIV. Con-

LXXIV.

Dat. die 15.
Sept. 1732.
Pont. An. III.

Confirmantur omnia & singula Privilegia & Exemptiones, a Romanis Pontificibus concessa Officialibus Bombardariis seu Libratoribus Tormentorum, eorumque Auxiliatoribus in Arce S. Angeli de Urbe.

CLEMENS PAPA XII.

Ad futuram rei memoriam.

Petitio Bombardatorum.

Exponi Nobis nuper fecerunt dilecti filii Officiales Bombardarii seu Libratores Tormentarii, & Arcis nostrae Sancti Angeli de Urbe Auxiliatores, quod ipsi per Chirographum manu Nostra subscriptum, & dilecto filio Magistro Carolo Mariae Sacripante, Camerae nostrae Apostolicae Thesaurario Generali, d'Arcis Praefecto seu Castellano, directum omnia Privilegia & Exemptiones, eis concessa ac competentia: necnon pluries etiam a Romanis Pontificibus Praedecessoribus nostris, & a Nobis, dum in minoribus constituti eramus, ac Thesaurarii Generalis dictae Camerae munere fungebamur, per sententiam anno MDCCV. latam, aliasque resolutiones ejusdem Camerae, respective approbatas, & quibus iidem exponentes ratione servitii, quod praedictae Arci praestant, fruuntur, confirmari obtinuerunt, & aliis, prout in dicto Chirographo uberius continetur tenoris, qui sequitur, videlicet:

Monignor Carlo Maria Sacripante Nostris Tesoriere Generale, Castellano della Nostra Fortezza di Castel Sant' Angelo.

Chirographum Thesaurario Generali datum.

§. 1. Avendo gli Officiali, Bombardieri, ed Ajutanti della detta nostra Fortezza di Castel Sant' Angelo di questa Città di Roma, fatto rappresentare, che sebbene la loro Compagnia in compenso non meno del peso, a cui soggiace, del mantenimento a proprie spese della Cappella di Santa Barbara loro Protettrice esistente nella Chiesa della Traspontina, dove hanno la propria sepoltura, fanno ogni giorno celebrare la Santa Messa, ed ogni anno con nobile apparato e pompa la Festa, e la processione della solenne Festivita del Corpus Domini, che del continuo servizio, quali sono tenuti prestare in tutto l'anno a detta nostra Fortezza senza veruno stipendio; rispetto però a detti Ajutanti habbino da più Pontefici Nostris Praedecessori ottenuti in diversi tempi varj Privilegi, confermatigli ancora dalla sel. mem. di Clemente X. con suo Chirografo del xv. Ottobre MDCLXX., & in ultimo luogo da Benedetto XIII. di simil mem. con altro suo Chirografo del di xx. Settembre MDCCXXVIII., e che tra gli altri Privilegi loro conceduti vi sia particolarmente quello di dover esser essenti dal peso di prender la Patente, di pagare le Tasse, e da altro qualunque officio e peso delle loro Università, Consolati, ed Arti; ed ancorche dalla Congregazione particolare deputata l'anno MDCLXXXIII. dalla sel. mem. di In-

nocenzo XII. fosse loro preservata la detta Esenzione, restrittivamente però al numero di soli ducento, compresi ancora i Giubilati, e purché fossero delle quattro Arti, cioè de' Muratori, Falegnami, Ferrari, e Scarpellini, e non di altre, nientedimeno, essendosi doppo coll' esperienza riconosciuto non esser in modo veruno praticabile di poter avere dalle dette sole quattro Arti il numero di ducento persone atte ed idonee per il suddetto esercizio, e molto meno altro maggiore di ducento quaranta, che almeno indispensabilmente è necessario per il servizio di detta Nostra Fortezza; che però, essendo nell'anno MDCCI. ricorsi alla sel. mem. di Clemente XI. altro Nostris Praedecessore, fossero con benigno rescritto aggraziati del godimento de' i suddetti Privilegi, benché fossero di altre Arti diverse delle quattro suddette; e che siccome non mancarono anche doppo alcune delle Università delle medesime Arti, e particolarmente quella de' Ferrari, e l'altra de' Calzolari, di pretendere anche giudizialmente d'impugnare la predetta esenzione; promossane però giudiziale istanza nell'anno MDCCII. avanti di Noi, di quel tempo Tesoriere Generale, n' emanasse contemporaneamente contro le dette due Università sentenza favorevole a i detti Ajutanti e Bombardieri, in cui furono questi dichiarati liberi ed essenti in virtù di detti loro Privilegi, da quali si siano tasse, pene, & altri qualsivoglia officii e pesi particolari, provenienti da Statuti delle loro Università; e che quantunque, doppo passata in giudicato la detta sentenza, siano state tanto dal Reverendissimo Cardinale Corradini, quanto dal fu Cardinal Marefoschi, mentre erano Uditori di detto Nostris Praedecessore Clemente XI. rigettate le istanze, in diversi tempi promosse, in nome particolarmente delle Università de' Fruttaroli, e delle altre de' Sellari e Cappellari contro i detti Bombardieri ed Ajutanti per lo pagamento delle suddette tasse: ed a favore di questi decretata ed ordinata l'osservanza de' i detti loro Privilegi, e della detta sentenza; e che in ultimo luogo ancora, e nel di 12. del passato mese di Settembre sia stata dal nostro Monignor Uditore rigettata somigliante istanza fatta dalla Università de' Carrettieri; e non ostante ancora che le dette Università, quali nel detto anno MDCCII. havevano come sopra patito l'accennata contraria sentenza, ne ottenessero poi nell'anno MDCCXXIV. la Commissione al Tribunale della piena Camera in gradu restitutionis in integrum: e che propositi per tre volte la Causa a relazione di Monignor Maggi Poente della medesima, sopra il dubbio = *An constet de re judicata, seu potius de Causis restitutionis in integrum* = riconosciuti dal medesimo Tribunale la chiara e manifesta giustizia della detta sentenza, rescrisse = *Constat de re judicata* = Con tutto ciò, havendo essi Oratori coll' esperienza riconosciuto, e tuttavia sempre più riconoscendo, che non ostante i Privilegi conceduti alla loro Compagnia, e più volte da' Sommi Pontefici Nostris Praedecessori confermati, la sentenza, ed

P p 2

altri

altri Giudicati per l'osservanza de' medesimi in diversi tempi riportati, ogni nuovo Consolo delle loro rispettive Arti vuol tentare, collettivi di controvertergli l'Esenzioni e Privilegi suddetti con grave dispendio della detta loro Compagnia di Santa Barbara, ed in pregiudizio ancora del continuo servizio, che sono tenuti prestare nella detta nostra Fortezza di Castel Sant'Angelo, che però per essersi dalle molestie, che potessero in qualunque tempo venirci sopra di ciò inferite, dalli Consoli ed Officiali delle dette loro rispettive Arti, ci hanno fatto supplicare, affinché ci degnassimo di confermarli l'Esenzioni e Privilegi suddetti: Noi ben informati di tutto l'esposto da essi Oratori, volendo però consolarli, come appresso, nella loro domanda: Quindi è, che avendo nel presente nostro Chirografo per espresso e di parola in parola per inserito l'intero tenore de' Privilegi, alla detta Compagnia de' Bombardieri, Ajutanti, ed altri Officiali di detta nostra Fortezza di Castel Sant'Angelo conceduti, & in diversi tempi confermati da più Sommi Pontefici Nostri Predecessori, e specialmente da Clemente X. e Benedetto XIII. della sopraccennata sentenza, risoluzioni del detto Tribunale della piena Camera, e degli altri giudicati, come sopra, emanati, delle ragioni e motivi, dedotti tanto per parte di essi Supplicanti, quanto delle Università delle Arti suddette, ed ogni altra cosa quanto si voglia necessaria d' esprimersi; di nostro Moto proprio, certa scienza, e pienezza della nostra Suprema Potestà Pontificia, approviamo, e pienamente in tutto e per tutto confermiamo i Privilegi ed Esenzioni, come sopra, conceduti, e più volte anche confermati da' detti Pontefici Nostri Predecessori, e canonizzati colle sopraccennate Sentenza, Risoluzioni della piena Camera, & altri Giudicati, e così legittimamente competenti alla predetta Compagnia di Santa Barbara; alla quale vogliamo, che siano perpetuamente osservati, come si prescrive nella detta sentenza, risoluzioni, & altri giudicati sopraccennati: Ne possano in avvenire i medesimi Supplicanti contra la forma della sentenza, risoluzioni, e giudicati suddetti, essere in verun modo da i Consoli ed altri Officiali delle loro rispettive Arti, molestati ed impediti nel libero e pacifico godimento dell' Esenzioni e Privilegi suddetti; Per il qual' effetto commettiamo a Voi, e Monsignori Tesorieri, Castellani di detta Fortezza, vostri Successori, che in virtù di questo nostro Chirografo facciate, e facciano ora, ed in ogni futuro tempo, osservare ed eseguire agli Officiali, Bombardieri, ed Ajutanti predetti l'Esenzioni e Privilegi, come sopra competenti alla detta loro Compagnia; dandovi Noi intorno a ciò tutte le facoltà in qualsivoglia modo necessarie ed opportune, oltre quelle, che come Tesoriere e Castellano suddetto di già vi competono; ed anche di reassumere ed avocare a Voi, e a detti vostri Successori tutte e qualsivoglia cause da qualsivoglia Giudice o Tribunale, quanto si voglia privilegiato, tanto mosse, quanto da moverli contro li detti Sup-

plicanti, contro la forma delli detti loro Privilegi ed Esenzioni, e dipendenti da' medesimi; e quelle, privatamente quanto ad ogni altro Giudice, conoscere, decidere, e terminare sommariamente senza strepito e figura di Giudizio, & sola facti veritate inspecta: rimossa ogni e qualunque appellazione e ricorso, essendo così mente e volontà nostra precisa. Volendo e decretando, che il presente nostro Chirografo, benché non ammesso, nè registrato in Camera secondo la disposizione della Bolla di Pio IV. Nostro Predecessore de' Registrandis, vaglia, e debba aver sempre il suo pieno effetto, esecuzione, e vigore con la nostra semplice sottoscrizione; nè gli si possa mai opporre di surzezione, orrezione, nè di alcun' altro vizio o difetto della nostra volontà ed intenzione: e che mai sotto tali o altri pretesti possa essere impugnato, moderato, e molto meno rinvocato; e che così, e non altrimenti, debba sempre giudicarsi, definirsi, ed interpretarsi da qualunque Giudice e Tribunale, anche Collegiato della stessa nostra piena Camera, e da qualsivoglia Congregazioni, benché composte di Reverendissimi Cardinali, e da questi anche Legati a Latere, Reverendissimo Cardinal Camerlengo, Monsignori Tesorieri, e da qualunque altro: togliendo loro ed a ciascuno di essi ogni facoltà & autorità di giudicare, definire, ed interpretare diversamente; dichiarando Noi d' adesso preventivamente nullo, irrito, ed invalido tutto ciò, che scientemente o ignorantemente si facesse o si tentasse, di fare in contrario; ancorchè non vi siano stati chiamati, citati, nè sentiti li Consoli, Officiali, ed Uomini di qualsivoglia Università ed Arti, e loro Difensori, ed ogni altro che vi avesse, o pretendesse di avervi interesse, quanto si voglia privilegiato e privilegiatissimo: non ostante la Bolla del detto Pio IV. de' Registrandis, la Regola della nostra Cancellaria de' jure quajvo non volendo, li Statuti delle dette Università, obblighi, tasse, pene, & altro in essi prescritto, anche confermati specialmente da questa Santa Sede, e qualsivoglia altre Costituzioni ed Ordinazioni Apostoliche nostre, e de' nostri Predecessori, e, quanto alle cose premesse, le facoltà e privilegi, conceduti e competenti a qualsivoglia Giudice o Tribunale, Leggi, Statuti, anche di questa nostra Città di Roma, sue riforme, usi, stili, e consuetudini, ed ogni altra cosa, che facesse, o potesse fare in contrario: alle quali tutte e singole, avendone il tenore qui per espresso, e di parola in parola inserito, e supplendo Noi con la pienezza della Nostra Suprema Potestà ad ogni vizio e difetto quantunque sostanziale e formale, che potesse intervenire, questa volta sola per l'effetto premesso ampiamente deroghiamo. Dato dal nostro Palazzo Apostolico Quirinale, questo dì 21. Agosto MDCCXXXII.

CLEMENS PP. XII.

5.2. Cum autem, sicut eadem expositio subjungebat, ipsi Exponentes, quod lites, quas dilecti pariter filii Consules propriarium Artium cum variis & injustis prætensionibus in dies sibi intentare non cessant, evitare, majorique

jorique, qua par est, diligentia & attentione, solitis studiis, a prædictis litigiis interruptis, quibus cum maximo eorum dispendio, & temporis jactura obnoxii sunt, operam dare, valeant, præmissa Apostolicæ confirmationis nostræ patrocinio communiri summopere desiderant; Nos specialem ipsis exponentibus gratiam facere volentes, & eorum singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodata existant, ad effectum præsentium dumtaxat consequendum, harum serie absolventes, & absolutas fore censentes, supplicationibus eorum nomine nobis super hoc humiliter porrectis inclinatis, Chirographum præinsertum, omniaque & singula in illo contenta & expressa, auctoritate Apostolica tenore præsentium, confirmamus pariter & approbamus, illisque inviolabilis Apostolicæ firmitatis vim, robur, & efficaciam adjungimus, ac omnes & singulos juris & facti defectus, si qui desuper quomodolibet interveuerint, supplemus & sanamus.

Roboratur.

Præsentium Literarum firmitas.

Obstantium derogatio.

5.3. Decernentes, easdem præsentibus literas, & in eis contenta quæcumque, semper firma valida & efficacia existere & fore, suoque plenarios & integros effectus sortiri & obtinere; ac illis, ad quos spectat & pro tempore spectabit, in omnibus & per omnia plenissime suffragari; sicque in præmissis per quoscumque Judices ordinarios & delegatos, etiam Causarum Palatii Apostolici Auditores, ac S. R. Ecclesiæ Camerarium, & alios Cardinales, etiam de Latere Legatos, necnon Cameræ prædictæ Præsidentes Clericos, Thesaurarium, & Commissarium Generales, ceterosque Officiales & Ministros nunc, & pro tempore existentes, sublata eis & eorum, cuiuslibet quavis aliter judicandi & interpretandi facultate & auctoritate, judicari & definiri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

5.4. Non obstantibus fel. recor. Pij PP. IV. Prædecessoris pariter Nostri de gratis quæcumque interesse dictæ Cameræ Apostolicæ concernen. in eadem Camera intra certum tunc expressum tempus Registrandis, itaut præsentibus literas ibidem præsentari & registrarari nunquam necesse sit, aliisque Constitutionibus & Ordinationibus Apostolicis, & quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis: ac omnibus & singulis illis, quæ in Chirographo præinserto concessa sunt non obstat. Quibus omnibus & singulis, illorum tenores præsentibus pro plene & sufficienter expressis, ac de verbo ad verbum insertis habentes, illis aliis in suo robore permanentibus, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud Sanctam Mariam. Majorem sub Annulo Piscatoris die 15. Septembris 1732. Pontificatus Nostri Anno Tertio.

F. Cardinalis Oliverius.

LXXV.

Serva Dei Catherina de Ricciis, Monialis expressè professæ Ordinis Sancti Dominici, Beatæ nomine appellari, ac cum radiis pingi &c. conceditur.

Dat. die 1. Octob. 1732. Pont. An. III.

CLEMENS PAPA XII.

Ad perpetuam rei memoriam.

IN Apostolicæ Dignitatis fastigio, nullis licet meritorum nostrorum suffragiis, per ineffabilem divinæ bonitatis abundantiam, constituti, ad ea, per quæ sacrarum Virginum, cum cœlesti Sponso in beata æternitate regnantium, in quibus utpote vasculis imbecillioribus opus dexteræ Excellsi mirabilis apparuit, ac tanquam pretiosis monilibus multipliciter gaudet atque refulget Ecclesiæ Matris gloriolâ fecunditas, cultus & veneratio in terris promoveatur, libenter intendimus, sicut pia Christianidelium, præsertim catholicorum Principum, vota postulant, & ad omnipotentis Dei gloriam, ipsiusque Ecclesiæ decus & præsidium, ac ædificationem fidelium & animarum salutem, cognoscimus, in Domino expedire.

Exordium.

5.1. Cum itaque accurate discussis atque perpensis per Congregationem Ven. Fratrum Nostrorum S.R.E. Cardinalium, sacris Ritibus præpositorum, processibus de Sedis Apostolicæ licentia confectis super Vita Sanctitatis, & Virtutibus in gradu heroico, quibus Serva Dei Catherina de Ricciis, Monialis expressè professæ Ordinis Sancti Dominici, claruisse, necnon Miraculis, quæ ad ejus intercessionem a Deo patrata fuisse asserbantur; Congregatio præfata coram Nobis constituta, auditis etiam Consultorum suffragiis, unanimiter censuerit, ad ejusdem Servæ Dei Beatificationem, quandocumque Nobis videretur, tuto procedi posse; Hinc est, quod Nos pia atque enixis dilecti filii Nobilis Viri Joannis Gastonis, Etruriæ sibi subiectæ Magni Ducis; ac totius Ordinis Sancti Dominici, necnon dilectarum in Christo filiarum Monialium Monasterii Sancti Vincentii Civitatis Præten. in quo prædicta Serva Dei regularem professionem emisit, atque in Domino obdormivit, supplicationibus, Nobis super hoc humiliter porrectis, inclinatis, de memoratorum Cardinalium consilio & assensu, auctoritate Apostolica tenore præsentium indulgemus, ut eadem Serva Dei Catherina de Ricciis imposterum Beatæ nomine nuncupetur, ejusque Corpus & Reliquiæ venerationi Fidelium. (non tamen in processibus circumferenda) exponantur: Imagines quoque radiis seu splendoribus exornentur: Ac de ea sub ritu dupli-

Processus super Vita Sanctitate &c. Congr. extantini datus.

S. Catherina Fidelium venerationi exponenda conceditur.

Officii & Missae celebratione quibus in locis, & temporibus.

duplici recitetur Officium, & Missa celebratur de Virgine non Martyre singulis annis juxta Rubricas Breviarii & Missalis Romani die 12. Februarii. Porro recitationem Officii, ac Missae celebrationem hujusmodi fieri concedimus in locis tantum infrascriptis: nempe in Civitate Florentin. ubi dicta Serva Dei ortum habuit: in praefata Civitate Praten. ubi diem clausit extremum: ac in universo Ordine Sancti Dominici tam Fratrum quam Monialium, cujus Habitum gessit; & quantum ad Missas attinet, etiam a Sacerdotibus confluentibus. Praeterea primo dumtaxat anno a datis hinc literis, & quoad Indias, a die, quo eadem praesentes literae illuc pervenerint incoando, in Ecclesiis Civitatum Florentin. ac Praten. & Ordinis praedictorum, Solemnia Beatificationis ejusdem cum Officio & Missa sub ritu duplici majori, die ab Ordinariis respective constituta, & intra sex menses promulganda, postquam tamen in Basilica Principis Apostolorum de Urbe celebrata fuerint ejusmodi Solemnia, pro qua re, diem 23. mensis Novembris proxime venturi assignamus, pariter celebrandi facimus potestatem.

Obstantium derogatio.

§. 1. Non obstantibus Constitutionibus & Ordinationibus Apostolicis, ac Decretis de & super non Cultu editis, ceterisque contrariis quibuscumque.

Fides transumptum.

§. 2. Volumus autem, ut ipsarum praesentium literarum transumptis seu exemplis, etiam impressis, manu Secretarii supradictae Congregationis Cardinalium subscriptis, & sigillo Praefecti seu pro-Praefecti ejusdem Congregationis munitis, eadem prorsus fides ab omnibus, & ubique, tam in iudicio, quam extra illud adhibeatur, quae ipsis praesentibus adhiberetur, si forent exhibitae vel ostensa.

Datum Romae apud Sanctam Mariam. Majorem sub Annulo Piscatoris die prima. Octobris 1732. Pontificatus Nostri Anno Tertio.

F. Card. Oliverius.

LXXVI.

Dat. die 4. Octob. 1732. Pont. An. III.

Constitutio, diversas continens ordinationes pro bona directione Conclavis, ac rerum Sede Apostolica vacante agendarum.

CLEMENS EPISCOPUS

Servus Servorum Dei.

Ad perpetuam rei memoriam.

Exordium.

Apostolatus Officium, quod inscrutabilis divinae Sapientiae atque Clementiae altitudo humilitatis nostrae, nullo licet meritorum nostrorum suffragio, committere dignata est, postulat, ut non praesentia tantum spectantes, sed futura quoque prospicientes, in iis etiam, quae post resolutionis nostrae diem, consummatumque a Nobis mortalis hujus

peregrinationis cursum eventura sunt, per opportunas, Deique gloriae, ac Ecclesiae utilitati consentaneas, leges dirigendis atque ordinandis, Pastoralis sollicitudinis nostrae partes interponamus, sicut, omnibus diutinae considerationis trutina perpensis, in Domino expedire arbitramur.

Pontifices, qui Constit. pro canonica Pa-pae electione ediderunt.

§. 1. Sane plurimi Praedecessores Nostri, & praesertim recol. mem. Symmachus, Nicolaus II., Alexander III., Gregorius X., Clemens V., Clemens VI., Julius II., Paulus IV., Pius IV., Gregorius XV., ac Urbanus VIII. probe intelligentes, quanti ponderis & momenti sit ad Dominicis gregis ac Catholicae Ecclesiae providum regimen Electio Romani Pontificis, qui Domini & Salvatoris Nostri Jesu Christi in terris Vicarius, Beatique Petri Successor, ac omnium Fidelium Pater & Pastor existit; nec unius membri sed totius corporis salutem agi, animo reputantes, cum de Capite consulerent, multas diversis temporibus etiam in Conciliis generalibus saluberrimas ediderunt Constitutiones; quibus omni cupiditati, ambitioni, simoniae, alterive cuius pravitatis, turpitudini, deformitati, ac dissidiis ab ejusmodi Electione praclusio aditu, summa prudentia, parique consilio providerunt, ut hoc tam sanctum, tamque grave opus pie ac rite perageretur; & in eo non caro & sanguis aut aliquis humanus affectus locum ullum sibi vendicaret, sed Spiritus Sancti gratia cuncta dirigerentur ac gubernarentur; sicque ad Christi haereditatis, quam pretioso Sanguine suo quaesivit, curam & administrationem gerendam, non nisi qui vocatus foret a Deo tamquam Aaron assummeretur: Veluti quoque de ancipiti, ac Romanae & Universali Ecclesiae periculoso tempore, quo illa visibili suo Capite ac Pastore, viduata remanet, anxie solliciti dicti Praedecessores, ne eadem Ecclesia multiplicibus longe vacationis exponeretur incommodis, haud praetermiserunt, ea opportune statuere, quae ad maturandum ipsius Electionis felicem exitum conducere videbantur; ac decernere, quae interea agenda & servanda essent, & alias, prout in praeratis Constitutionibus, quarum tenores praesentibus pro plene & sufficienter expressis, ac de verbo ad verbum insertis haberi volumus, uberius continetur.

Causae eadem de hujus Constitutionis.

§. 2. Quia tamen saepe contingit, ut legum vel maxime salutarium, si non crebro excitetur, sensim ex animis hominum effluat memoria: experientiaeque edocet, nonnulla ex iis, quae Sede Apostolica vacante praescripta fuerunt, aut usus invexit, pro temporum varietate, juxta quam humana etiam consilia, multoties variare oportet, immutanda ac supplenda esse, ut recto in primis rerum tam difficili tempore agendarum ordini, justitiae administrationi, atque Aeterni Pontificis indemnitati cumulatus prospectum cautumque sit; quemadmodum Nos metipsi, qui in minoribus constituti majorem aetatis partem in Romana Curia egimus, ac dum Cardinalatus honore fungebamur, Comitibus ad Romanum Pontificem eligendum ter interfuimus, satis perspeximus, ac plures ex Venerabilibus Fratribus nostris S.R.E. Cardinalibus, eximia

Cardinalium auctoritas Sede vacante.

eximia pietate ac circumspectione praediti, Nobis etiam innuere atque significare non omiserunt.

§. 3. Hinc est, quod Nos pro Apostolici muneris, Nobis divinitus commissi, ratione, habita prius super praemissis cum memoratis, nonnullisque aliis ipsius S. R. E. Cardinalibus matura deliberatione, de illorum consilio, ac etiam Motu proprio & ex certa scientia, deque Apostolica potestatis plenitudine, hac nostra perpetuo valitura Constitutione, ea, quae sequuntur, statuenda, decernenda, & ordinanda duximus.

Praedecessorum Pontific. Constit. constituantur.

§. 4. Primum igitur enarratas Praedecessorum Nostrorum Constitutiones, ac omnia & singula in eis contenta & disposita, quae praesentibus tamen literis non adversantur, harum serie confirmamus approbamus & innovamus, ac inconculsa & inviolabiliter observari praecipimus & mandamus.

Adhortatio ad S. R. E. Cardinales, ut solum Deum, & Eccl. sine utilitatem eligendo Pontifice respiciant.

§. 5. Ceterum, tametsi opus non esse in Domino confidimus, urgente Nos tamen Pastoralis Officii debito, ac praecipuo, quo tenemur, boni publici desiderio, Cardinales nunc & pro tempore existentes per viscera misericordiae ejusdem Domini Nostri Jesu Christi, & per effusionem sui pretiosi Sanguinis enixe rogamus, hortamur, obsecramus, & monemus, ut tunc potissime, dum scilicet de creando Romano Pontifice agitur, serio perpendant rei, quam gerunt, gravitatem, ministerii, quod per eos tractatur, magnitudinem, ac personae, quam in Ecclesia Dei sustinent, dignitatem, seduloque recogitent, se in renuntiando Supremo ipsius Ecclesiae Rectore divinae mentis interpretes constitutos, nudaque omnia & aperta esse in oculis ejus, cui solemnibus & arctissimi Jurisjurandi religione fidem suam promissuri & obligaturi sunt; neque aliud esse forsitan posse in omni eorum vita factum, de quo tam arduum atque difficile eis futurum sit, rationem reddere aeterno iustoque Judici, sempiterna vel praemia vel supplicia decreturo. Itaque etiam sub Divini interminatione iudicii eisdem Cardinalibus praecipimus itidem & mandamus, ut in suffragiis ferendis, ac aliis omnibus & singulis Electionem quomodolibet concernentibus, solum Deum praesentibus oculis habentes; & non sua, sed quae Christi sunt, quaerentes, religiose, sincere & libere, humanis quibusque artibus, factionibus, partium studiis, omnique demum carnis affectu, ac privatis commodis & desideriis remotis, atque Principum Saecularium intercessionibus, ceterisque mundanis respectibus, ac etiam grati animi, & cuiusvis alterius necessitudinis titulo minime attentis, & postpositis, se se gerant ad eligendum eum, quem Universali Ecclesiae fructuose utiliterque gubernandae idoneum secundum Deum judicaverint; ac memores supradictarum Constitutionum, poenarumque in eis contentarum, ne quidquam facere, admittere, aut attendere, quod ab hoc proposito alienum sit, vel per quod Electio retardetur, aut libertati suffragandi quoquo modo officietur, per se vel alium, directe aut indirecte, quovis colore praetextu vel ingenio audeant seu praesumant.

§. 6. Porro ab eisdem Praedecessoribus provide constitutum est, ut, Apostolicae Sedis Vacatione durante, Collegium Cardinalium in iis, quae ad Pontificem Maximum, dum viveret, pertinebant, nullam omnino potestatem aut jurisdictionem habeat: neque gratiam neque justitiam faciendi, aut factam per Pontificem defunctum executioni demandandi, sed omnia futuro Pontifici reserventur: neque de Ditione temporali S. R. E. vel de pecuniis Camerae aut Datariae Apostolicae etiam pro solutione debitorum ante obitum Pontificis quomodolibet contractorum, aut alius ex quavis causa (certis quibusdam casibus expressis dumtaxat exceptis) quidquam disponere: nec ad proprium commodum aliquid percipere: nec res alienum contrahere, possit. Nos praemissa approbantes, sub poenis per dictas Constitutiones indictis insuper statuimus & declaramus, quod idem Collegium Cardinalium, mandata de solvendis pecuniis hujusmodi (praeterquam in praedictis casibus exceptis, ac aliis infra exprimendis) favore cuiusvis personae, tam in Conclavi quam extra illud existentis, etiam titulo remunerationis, praemii, laboris, ac etiam supplementi mercedis, expedire & relaxare; itaut tam Cardinales, qui contra praemissa aliquid attentaverint, quam Camerarius, Thesaurarius, Depositarus, & alii Officiales, qui eis in talibus obtemperaverint, de suo proprio Camerae Apostolicae plenarie satisfacere, & pecunias erogatas restituere, & quavis damna resarcire a futuro Pontifice cogantur; Nec etiam ejusmodi titulo licentiam extrahendi frumenta e Statu Ecclesiastico concedere, nisi ubi extractio ex causa vere onerosa competat, & tunc, dummodo quantitatem debitam non excedat, ac tempus, quo extractio permitti solet, advenerit; Neque cuiquam immunitatem seu exemptionem ab officio vel servitio ei incumbente, vulgo Jubilationem nuncupatam, tribuere; Nec ullos reos & delinquentes absolvere, vel per liberi commectus tabulas, quas Salvum Conductum appellant, etiam ad tempus assecurare, nisi qui leviora delicta Sede ipsa vacante commiserint, minusque Exilium, aliamve quamcumque poenam etiam pecuniariam illis remittere, condonare, vel moderari valeat. Si quid vero contra praesentem prohibitionem factum sit, quilibet, ac etiam Officialis, qui id exequi coactus fuerit, rem denunciare teneatur futuro Pontifici, ut possit ad gestorum revocationem procedere, & in transgressores ad praescriptum hujus nostrae, ac Praedecessorum Constitutionum, animadvertere. Teneatur quoque Thesaurarius Generalis sub poena privationis sui Officii exhibere novo Pontifici intra mensem, ab ejus Electione numerandum, computa seu rationes accuratas & distinctas omnium expensarum Sede vacante factarum cum specifica expressione singularum summarum, causarum, ac personarum, quibus pecuniae perolutae fuerint, ad hoc ut ipse Pontifex aliquot Cardinales sibi benevolos, qui tamen non sint tribus numero pauciores, deputet ad examinandum ea computa sive rationes, ac dispiciendum, sibi referendum.

Quod Mandata de solvendis pecuniis expedire non possunt.

Licentias frumentum extrahendi.

Jubilationes concedere: Reos absolvere.

Quod Thesaurarius computa expensarum Sede vacante numerandum.

dum, an aliquid inutiliter, five plus æquo impensum, aut aliis præfenti, vel Prædecessorum Constitutionibus, aut Chirographis, infra etiam nominandis, aliqua ex parte hac in re contraventum fuerit.

§.7. Cumque tempore Sedis Vacantis duplex habeatur Cardinalium Congregatio, altera nempe Generalis, five totius Collegii, & altera particularis constans tribus Cardinalibus antiquioribus, uno scilicet ex quoque Ordine cum Camerario, quorum Officium tertia die post Conclavis ingressum omnino expirat, in eorumque locum tres alii sequentes in Ordine quolibet tertio die unâ cum eodem Camerario succedunt; Volumus, ut in dicta Congregatione particulari five ante, five post capta Comitua, levioris dumtaxat momenti, ac in dies seu passim occurrentia negotia expediantur; Si quid vero gravioris momenti ac indaginis fuerit, id omne ad Congregationem Generalem, seu Collegium Cardinalium deferatur; Ac ulterius quæ in una Congregatione particulari decreta, resoluta, vel denegata fuerint, in alia revocari, mutari, aut concedi nequeant; sed id faciendi jus habeat ipsa tantum Congregatio Generalis per pluralitatem suffragiorum.

§.8. Ulum autem multo jam ab hinc tempore vigentem proponendi in prima Congregatione Generali confirmationem Gubernatoris Almæ Urbis, deinceps quoque retineri mandamus. Et quod attinet ad ceteros Sedis Apostolicæ, Curie Romanæ, ac Ditionis Ecclesiasticæ Officiales & Ministros ejusdemque qualitatis, gradus, ordinis, & conditionis fuerint, illos omnes in secunda Congregatione pariter Generali, eodem contextu, ac unico urnæ sive bussulæ, ut vocant, gyro juxta morem antiquum simul & semel confirmari permittimus, alias pro confirmationis haberi volumus. Si tamen aliquis ex dictis Officialibus & Ministris adeo graviter in munere suo deliquisse aut defecisse, seu male versatus fuisse credatur, ut plane indignus reputetur, qui in munere sui exercitio relinquatur, Statuimus, quod Cardinales in Ordine Priores, rem totam, ac probationes, quæ adversus talem Officialem seu Ministrum suppetunt, distincte ac ordine exponant in una Congregatione Generali, ad hoc ut singuli Cardinales earum subsistentiam atque relevantiam recognoscere possint: ac post tres exinde dies in alia Congregatione item Generali proponi & agitari debeat, num dictus Officialis seu Minister confirmandus, vel a sui muneris exercitio suspendendus veniat usque ad Electionem futuri Pontificis illudque obtineat, ac firmum sit, quod resolutum fuerit majori parte suffragiorum secretorum: & si decreta est suspensio, plures ad munus, de quo agetur, exercendum in primis habiles & idonei a Cardinalibus proponantur, & ex iis, qui præ cæteris aptior visus fuerit, in locum Officialis seu Ministri suspensi subrogetur per pluralitatem similiter suffragiorum, donec eligatur Pontifex.

§.9. Quoniam vero exempto ab humanis Pontifice Cardinalis Legati in Provinciis Status Ecclesiastici protinus ad Comitua invi-

tantur, in juncto eis, interim suæ Legationis administrationem tradere pro-Legatis, quibus mandatur, ut eam Sacri Collegii nomine suscipiant, populorum securitati provideant, ac sedulo curent, ne tumultus excitentur; Ad quamcumque distensionis & controversiæ, quæ inter Cardinales Legatos, eorumque pro-Legatos facile enasci possent, occasionem submovendam, decernimus, ut Edicta, quæ in Provinciis præfatis, Sede Apostolica Vacante, & Cardinalibus Legatis absentibus, evulgari contigerit, ab ipsis pro-Legatis cum propria subscriptione, apposito tamen eisdem Edictis nomine, & quæ typis imprimuntur, etiam Stemmata gentilitio, Cardinalium Legatorum absentium, libere publicentur. Cardinales autem Legati, quamdiu a Legatione abfuerint, ac Sedis Vacatio duraverit, nulli subalterno in Legatione Ministro seu Officiali, aut cuivis alteri quicquam, inficiis pro-Legatis imperent, minusque executioni demandari faciant.

§.10. Præterea tres imposterum Cardinales ex eis, qui Comitua alias interfuerint, a Collegio eligendos, præfici Clausuræ, ac curam Conclavis habere & gerere, statuimus, qui disposita a Prædecessoribus circa Clausuram ac curam hujusmodi omni sedulitate & diligentia exequantur: Cellas Cardinalium bis qualibet hebdomada, aliaque ipsius Conclavis loca crebro, visitent: illius munditiæ præfint: ac solerter perquirant, ne in ejusdem Conclavis muris, fenestris, laquearibus, vel pavimentis vetita foramina hiant, vel fenestræ aperiantur aut amplentur, unde cum exteris colloquendi sive communicandi copia & facultas detur: ac si quæ foramina facta, aut fenestræ sic apertas & ampliatas deprehenderit, statim ocludi & obturari, in pristinumque statum restitui curent: prohibeant quoque arma seu stemmata gentilitia cujusvis Cardinalis quocumque Officio fungentis alio quam propria suæ Celle imponi, appendi, & depingi: & si illa repererint in quacumque alia parte Conclavis consistentia, statim amoveri ac deleri faciant: Cellas porro Cardinalium absentium, sive mobilibus instructas & ornatas, sive non, Cardinales in Conclavi existentes nusquam occupent, sed ad dictos tres Cardinales, Clausuræ & curæ Conclavis præpositos, pertineat earumdem Cellarum usum & commodum Cardinalibus, qui Cellas suas vicinas habent, congrua inter eos servata proportione destinare, donec prædicti Cardinales absentes advenierint: Ipsorum autem trium Cardinalium munus istiusmodi toto tempore Comitiorum durare volumus, eisque quamcumque necessariam, amplamque in præmissis & circa ea potestatem harum serie tribuimus.

§.11. Scrutinia etiam, quæ pro Electione Pontificis bis in die a Cardinalibus fiunt, sive manuscripta sive impressa fuerint, e Conclavi ad eos, qui foris sunt, mitti ac renunciari, & ab eis recipi, proferri, aut evulgari, omnino prohibemus sub pœnis adversus mittentes e Conclavi, ac exinde respective recipientes literas, scripta, nuncios, notas, aut signa, etiam Cardinalatus honore præfulgeant, a dictis

De Edictis & Pro-Legatis nomine, ac Stemmata Legatorum imprimendis.

Tres Cardinales eligendi, qui præfint Clausuræ & Conclavi.

Scrutinia renunciari, aut recipi prohibetur.

De Congregatione Cardinalium & Particularibus.

De confirmandis Officialibus Curie Romanæ, ac totius Ditionis.

dictis Prædecessoribus expresse sancitis, eo ipso per transgressores incurrendis.

§.12. Atque menti Prædecessorum pariter insistentes, eisdem Cardinalibus præcipimus, ut frugalitatem & temperantiam in victu observent, procul ab omni luxu & pompa, atque etiam, in deferendis ad Conclavibus cibariis, lautioris cultus ostentatione.

§.13. Ne Magistrorum Cœremoniarum, qui in Comitua adhibentur, nimium exerceat numerus, in futurum non plures quam sex ad summum, duo scilicet participantes, & totidem non participantem nuncupati, ac reliqui duo antiquiores ex supranumerariis in Conclave admittantur.

§.14. In eorumdem quoque Prædecessorum Constitutionibus inter alia habetur, quod Sacrifa cum uno Clerico Coadiutore in officio Sacrifiæ, ac unus Collegii Secretarius tantum Conclave ingrediantur: adfintque unus Faber Lignarius, & unus Cœmentarius: item octo aut decem Servientes publicæ utilitati & commoditati omnium, veluti proliquis portandis, pro verrendo Conclavi, & similibus necessariis ministrandis, qui a Collegio Cardinalium, non tamen ex familia alicujus Cardinalis, per fabas secretas eligantur, ita tamen, ut is obtineat, qui plura vota tulerit, & illis salaria de publico persolvantur. Nos eidem Sacrifa, ultra Clericum hujusmodi, ac Subsacristam, alterum, qui eidem Sacrifa, & Missis celebrandis deserviat seu assistat: Magistris Cœremoniarum, qui in Conclave ut supra admittentur, unum famulum, non quidem pro eorum singulis, sed pro omnibus sic admittendis: Secretario autem Collegii duos Adjutores, qui eum assiduo, quo tunc maxime oneratur, labore levare possint, ac unum quoque famulum, qui tamen per Cardinales deputatos approbari debeant, in Conclave ducere & habere permittimus. Cumque octo, decemve publice Servientes prædictos necessariis in Conclavi ministrandis haud satis esse, compertum sit, indeque factum, ut eorum numerus in præteritis Comitua auctus fuerit, imposterum trigintaquinque (dictis tamen duobus famulis pro Magistris Cœremoniarum, ac Secretario Collegii in eo numero comprehensis) & non plures Servientes ejusmodi a Collegio Cardinalium eligantur; qui, sicuti de illis octo aut decem a Prædecessoribus dispositum est, non sint ex familia alicujus Cardinalis; minime attempta aut suffragante quacumque contraria consuetudine aut declaratione, etiam pluries ab eodem Collegio Cardinalium edita. Quo autem ad Fabros Lignarium, & Cœmentarium, nullus recipiatur, qui revera artes illas non calleat, publicæque profiteatur ac exerceat: nec Collegium ullam potestatem habeat dispensandi circa dictas qualitates, aliaque præmissa.

§.15. Per obitum Pontificis, nec Camerarii, nec Pœnitentiarum Majoris officia cessare a dictis Prædecessoribus cautum quoque reperitur; verum, quia contingere potest alterius, sicut in novissimis accidit Comitua, ac etiam utriusque Officii hujusmodi vacatio ante novi Pontificis creationem, formam

propterea tunc observandam stabilire volentes, decernimus, ut si, & quando id evenerit, Congregatio Generalis triduo post secutam vacationem alterutrius ex præfatis Officiis habeatur, ac vota seu suffragia Cardinalium, post absolutum Scrutinium simul congregatorum, pro deputatione illius, qui Camerarii, vel Pœnitentiarum Majoris vices suppleat usque ad Electionem novi Pontificis, exquirantur, denturque per schedulas secretas & impressas, a Magistris Cœremoniarum etiam ab infirmis Cardinalibus colligendas, ac coram tribus Cardinalibus eo tempore in Ordine Prioribus, præsentibus eidem Cœremoniarum Magistris atque Collegii Secretario, aperientur; sique deputatus habeatur, in quem major pars votorum seu suffragiorum præfatorum convenerit; ac sic Deputato facultates omnes, quas ipse Camerarius, vel Pœnitentiarum Major exercere poterat, quamdiu Sedes vacaverit, attribuimus.

§.16. Ad hæc cum juxta Statuta didorum Prædecessorum idem Pœnitentiarum Major, & ejus Officiales ea tantum tempore Sedis Vacantis facere & expedire valeant ad forum conscientie dumtaxat pertinentia, quæ poterant vivente Pontifice exercere, & in reliquis munus eorum conquiescat, itaut a quibuscumque Matrimonialibus, & aliis dispensationibus, ac absolutionibus, & declarationibus, necnon quibusvis aliis expeditionibus, forum fori mixtum vel separatim quomodolibet respicientibus, omnino abstinere, debeant; alique vero sint Censuræ Ecclesiasticæ, a quibus iis innodati, præterquam in mortis articulo constituti, non nisi ab ipso Romano Pontifice pro tempore existente absolvi queant, adempta nominatim Pœnitentiarum Majori id faciendi potestate; atque multoties accidat, ut talibus Censuris irreveriti vere pœnitentes, & errata sua sincero animo detestantes, absolutionis beneficium Sede Vacante enixius implorent; Quò discipline Ecclesiasticæ conservationi, simulque animarum fidelium, quos Dei misericordia ad pœnitentiam vocaverit, salutis consultum sit, eidem Pœnitentiarum Majori, vel ei, qui in illius locum successus fuerit, ut præfertur, facultatem tribuimus, ab his etiam Censuris Sede Vacante fideles prædictos, re tamen prius in Signatura ipsius officii Pœnitentiarum Apostolicæ examinata, servatisque aliis servandis, absolvendi, ad tempus scilicet & cum reincidentia in dictas Censuras; itaut qui fuerint absoluti, ad novum Pontificem intra terminum, pro distantia locorum definiendum, recurrere, & ab eo plenarie absolutionis beneficium petere & obtinere teneantur; nec Pœnitentiarum Majori, seu in illius locum successus, præfixum terminum post Pontificis Electionem ampliare vel propagare liceat.

§.17. Et si Vicarium Pontificis in Alma Urbe ejusque Districtu in Spiritualibus Generalem, Sede Vacante, e vivis quoque decedere contigerit, ne Animæ Christiani fidelium Urbis ac Districtus præfatorum aliquod inde accipiant in ipsis Spiritualibus detrimentum, tunc existenti Vicegerenti dicti Vicarii, quamdiu Sedes vacaverit, omnes & singulas

De electione Vice-Camerarii, & Pœnitentiarum Majoris.

Pœnitentiarum præf. facultates ampliat.

Vicegerentis Vicarii Urbis hoc decedente facultates.

Frugalitas & temperantia in victu servanda.

Præfixus numerus Magistrorum Cœremoniarum.

De numero Servientium Conclavi.